



Decisiuns dalla radunanza communal Surses

La radunanza communal Surses digls 26 da zarcladour 2023 ò

- decida an connex cun igl rendachint 2022
 - cun 93 vouschs e sainza cuntervousch da metter 2 milliuns francs ainten la prefinanziaziun (capital agen) per igl project «construcziun tgesa da scola primara nova a Savognin»; e
 - cun 96 vouschs e sainza cuntervousch d'approvar igl rendachint 2022, tgi cumpeglia bilantscha, chint economic, chint d'investiziun, chint dalla circulaziun digls daners ed agiunta. Siva cudischaziun dalla prefinanziaziun menziunada soura per la scola sera igl rendachint cun en surple d'antradas da CHF 3'903'071.00. Las investziuns bruttas montan a CHF 9'884'179.00 (investziuns nettas CHF 6'878'446.00). Igl madem mument è nia do discargia agls organs ed allas collaboratouras e collaboratours responsabels;
- piglia cunaschientscha digls rendachints davart igls projects d'investiziun digl cumegn tgi èn nias terminos igl 2022;
- approvo cun 95 vouschs e sainza cuntervousch igl credit d'oject per sanar igl provedimaint d'ava Pro digl Sot a Savognin. Igl madem mument è la suprastanza neida incumensada cun l'execuziun;
- approvo - siva adattaziun digl art. 6 al. 3 ed art. 11 al. 1 proponeida dalla radunanza communal - cun 81 cunter 7 vouschs la lescha d'alps, pastgiras e prada digl cumegn da Surses e decida da la metter an vigour per data digl conclus.
- approvo cun 77 cunter 8 vouschs la revisiun parziala dalla lescha da votaziuns e d'elecziuns digl cumegn da Surses e decida da la metter an vigour per data digl conclus.
- piglia cunaschientscha da diversas infurmaziuns digl cumegn.

Igl protocol dalla radunanza communal digls 26 da zarcladour ò da neir publitgia igl pi tard en meis siva la radunanza cun en termin d'exposiziun da 30 deis. Igl termin d'exposiziun exact vigna communitgia a taimp util aint igls figls uffizials digl cumegn.

Tinizong, igls 27 da zarcladour 2023

Suprastanza communal Surses